

Nounoun Oregon Health Plan Fansoun ewe COVID-19 Imerechensi



Nounoun Oregon Health Plan fansoun ewe COVID-19 imerechensi

Fansoun ewe COVID-19 imerechensi, en mei tongeni sopweno ne nounou noumw Oregon Health Plan (OHP) pwe mei wor met mei siiwin ren nounoun, ika mwo kese chiwen tufchin nounou ren porousen nonnomwumw, awewe ren ika e watte omw mwoni tonong.

Omw pochokkun mei auchea. Sopweno ne nounou noumw OHP ren tumwun seni noumw tokter, kangof, tokterun ngii, me tokterun semwenin ekiek.

En mei mochen sinei sopwosopwun porous? [Tiki ikei ren sopwosopwun porousen aninnisin OHP.](#)

Esinesin ngeni kich ren met e siiwin non manawomw ach sipwe epwungu noumw taropwe me sopweno ne kapas ngonuk fan iten noumw OHP:

Me nein ekkei napanap, met mei fis ngonuk ika ngeni emon chochon non imwomw? Ika mei wor, kose mochen mwittir ne esinesin ngeni kich.

- Ew minafo adressin posto ika imw?
- Epupwunu ika divorce?
- Siwini itan non imwen kopwung ika siwini an esissinen mwan ika fefin?
- Mei pwopwo, nounou, ika turuseni noun?
- Wor an minafo angang ika tou me angang?

Ekkei tetten asan, ekkoch chok awewe. [Tiki ikei omw kopwe aneani pwan ekkoch awewe ren met siiwin e fis nge kopwe esinesin ren.](#)

En mei tongeni esinesin met e siiwin ngeni OHP:

- **Won line:** Tonong non omw ewe ONE akaun omw [no ngeni ONE.Oregon.gov.](#)
- **Non foun aramas:** Aramas mei tongeni no ngeni Aging me Aramas mei wor Terir, Area Agency won Aging ika Ofesin Proqrammin

Tumwunun Nonnomwumw, non unusen Oregon ren aninnis. [Tiki ikei omw kopwe kuna menni ofes mei kanengonuk.](#)

- **Won Tengwa:** 1-800-699-9075 (TTY 711). Sarinfan-Enimwu, kunok 7 nesossor ngeni 6 nekkunion (PST). Non ekkei fansoun, e mwittir chon ponu ika ke kokko seni kunok 7 ngeni 8 nesossor.
- [Tiki ikei omw kopwe aneani ika pwan ifan ussun omw kopwe esinesin pwe mei wor siiwin.](#)

Met upwe for ika e tour ngeni ei me non posto nei taropwen OHP?

Ina epwe tour ngonuk me non posto noumw taropwen OHP. Am mei tiitiu taropwen renew iteiten ier en mei nounou OHP. Kose mochen eponuwa ena taropwe ika pwe am mei eis ren sopwosopwun porous, aweve ren pisekin pwarata ren porousen omw mwoni tonong, pwe epwe sopwosopwupwungun aninnisin noumw OHP.

Ena taropwe epwe affata met kopwe tiitiito me non menni fansoun epwe tour ngeni kem. Ika a tour ngonuk noumw taropwe, kose mochen fori met tingor mei mmak non.

En mei menei aninnis ren eponuwen noumw taropwe?

- **Non fofoun aramas:**
 - No ngeni ew an ODHS Aging me Aramas mei wor Terir ika Ofesin Proqrammin Tumwunun Nonnomwumw, ika ew ofesin Area Agency won Aging (AAA). Kokko me mwen omw kopwe chuuno rer. [Tiki ikei omw kopwe kuna menni ofes mei kanengonuk.](#)
 - Mei wor aninnis seni chon sinei ekkei angang non ach community. No ngeni OregonHealthCare.gov omw kopwe kuna chiechiach non omw community repwe anisuk.
- **Won Tengwa:** 1-800-699-9075 (TTY 711) Sarinfan-Enimwu 7 nesossor ngeni 6 nekkunion (PST). Non ekkei fansoun, e mwittir chon ponu ika ke kokko seni kunok 7 ngeni 8 nesossor.

En mei mochen insur ren aninnisin omw health? Apply ren noumw OHP ikenai.

Ese pwan nifinifin inet ke mochen angang noumw OHP. En mei tongeni apply noumw non ekkei sokkun napanap:

- **Won line:** Apply omw [no ngeni ONE.Oregon.gov](https://no.ngeni.ONE.Oregon.gov)
- **Non foun aramas:** Mei wor aninnis ese kame meren chiechiem me non omw community non unusen ei state. No ngeni OregonHealthCare.gov omw kopwe kuna chiechiach non omw community repwe anisuk.
- **En mei mochen sinei sopwosopwun porous?** Katon ewe [webpage ren omw kopwe apply noumw OHP](#).

Kapas Eis me Epponuwan

Ika pwe ngang ika emon chochon non imwei mei watteno an mwoni tonong seni non ewe Maas 2020, ngang mei tufichin nounou OHP?

Ewer. Fansoun ewe COVID-19 imerechensi, en mei tongeni nounou omw OHP, ika mwo a watte omw mwoni tonong, ika mwo mei nap seni keukun meren chon OHP.

Fansoun ewe COVID-19 imerechensi, epwe ifa ussun ne kouno nei OHP?

Fansoun ewe COVID-19 imerecheni, aninnisin OHP epwe kouno ren ekkoch aramas. Popwun me wewen an kouno an ekkoch OHP nge ika pwe ewe chon nounou:

- E tonong non kanopwuus
- E ereni kem pwe epwe kouno noun OHP
- E tou me non Oregon iwe a nonnomw non pwan ew state
- Fansoun maano

Ren sopwosopwun awewen ifa ussun an epwe kouno noumw OHP, [katon ewe puken ourour ren chon nounou OHP](#).

Met epwe fis ren aninnisin nei OHP ika a kouno ewe COVID-19 imerechensi?

Fansoun ewe COVID-19 imerechensi, ekkewe rese chiwen tufichin nounou OHP, mei sopwosopwono aninnis ngenir ren an siiwin ar ennu. Ekkei siiwin ren ar ennu, epwe kouno ika a wesino ewe COVID-19 imerechensi. Ika e fis ena, chon OHA repwene popwuta ne katon nonnomwun 1.4

minion chon nounou OHP, me ion ese chiwen tufichin nounou OHP, epwe wesino noun OHP.

Kich mei mochen omw kopwe monnota ngeni ekkewe siiwin ren OHP ika a wesino ewe COVID-19 imerechensi. [Anneani sopwosopwun ifa ussun omw kopwe monnota ngeni ekkei siiwin.](#)

En mei tongeni angei ei taropwe non fosun fonuwomw, echo mei mesemmong makkan, makken braille ika met napanap ke mochen. En mei pwan tongeni tingor chon chiaku ngonuk. Ese kame ei aninnis. Kokkori 800-699-9075 ika 711 TTY. Kich mei etiwa meinisin chon kokko.

OHP.Oregon.gov